


西湖雜詩



地750.23
104

西湖雜詩

光緒七年夏
錢唐丁氏刊

西湖雜詩

錢唐蔣坦藹卿

余居湖上六年柳港花橋足跡殆徧甲辰春客
居苕溪友人以所繪西湖二十景畫幀見貽故
鄉山水恍然在目因撫古成詠以寄同社諸子
朱欄十二畫橋西春水生時謝豹嗁冷落樓臺舊歌
舞菜花黃過趙公隄

山氣空濛日夕佳波光作鏡淨於指煙鬟妝出石新
婦束筍爲鞋松作釵

巾子峰頭秋已深杏花園裏綠成陰團團雞子團團

西湖雜詩

日寸寸蕤絲寸寸心

何處書生助戰功靈鼉響絕鼓逢逢有人欲畫江南
去立馬吳山第一峰

三千宮女鬢成霜賸舞零歌玉照堂紅褪守宮沙一
捻無人解作落梅妝

延祥觀建黃庭殿景德門通太乙宮五福貴星留不
得夜鐙空照九枝紅

養魚莊上白魚肥來鳳亭前彩鳳飛香市不如茶市
好普門買得早春歸

處士橋通學士溝兩湖煙水動人愁西風不結王墳



豆白草黃花各自秋

零鐘斷鼓帶愁聽
澗水交流冷茯苓
修到鴛鴦知解脫
白蓮花底誦金經

蜨夢惺忪鶯語遲
杏花春雨海棠時
搏沙捏出人形巧
湖上家家賣土宜

枳籬圍護妙香臺
梵字欄干繡綠苔
一自金婆斷消息
滿山風雨熟楊梅

拔劍高歌擊大荒
白雲紅樹兩茫茫
關侯玉印錢王券
留與湖山鎮夕陽

高巖千仞聳崔嵬
眼底江山幾劫灰
不見亭灣人騎

西湖雜詩

二

射秋風衰草病龍媒

臙脂宮井失葫蘆
誰寫隨花夜宴圖
泥馬無靈金雀廢
夕陽留照小西湖

楠木樓空暮靄凝
玉牌詩句總無憑
冬青不長南朝樹
白骨何年出六陵

烏篷三尺逆尖風
春在花關柳巷中
燕子不來寒食過
滿天紅雨葬花翁

湖湧金牛事未真
夾隄柳浪綠成春
桃花港內多流水
可許漁郎再問津

橋下長虹鏡裏天
兩山南北隔雲煙
布帆十幅挂天

際知是雲林蓋飯船

朱門玉闕鎖千層一夜唐花發馬塋回首畫船簫鼓
歇晚風吹冷石臺鐙

烏紗紅袖杳無存釀酒難招不返魂小犬垂頭花底
臥年年春色夢南園

蘭因絮果識三生曾感雲容一顧情紅斷芙蓉城下
路相思何處問瑤英

鞦頭雙鳳踏春陽一踏春陽一斷腸裙衩香風環珮
玉傷心重過此君堂

燭薪鬪焰夜燒紅座上貂裘拜相公想爲襄陽軍事

西湖雜詩

三

急先將征戰試秋蟲

畫裏煙霞醉後詩菱花落粉柳成絲詩人莫問張員
外三尺斜陽冷墓碑

守藥胎仙去不回榆錢零落煉丹臺滿山煙草飛蝴
蝶知是仙裙變化來

遠山疊疊水濺濺花抱春紅草帶煙十里黃雲吹不
斷更無人識鮑家田

晏遊愁煞趙官家二月風情陌上花畫裏阿紅旁捧
瓊不知誰是衛芳華

玉女峰頭碧蘚滋千秋空憶杜明師青山無復迎雙

展牘有孤亭號客兒

翠樾珠冠易化塵纍纍高塚臥麒麟任他道左木居士那及山頭石丈人

橫衝橋下水潨洄流盡人間歷劫灰故鬼千年斷魂魄黃蜂散盡狗兒來

四山搖綠畫森森湖水平添數尺深宋嫂魚羹裴姥酒鍋中銷卻幾黃金

芳草何人拾翠翹當年祇悔遇超超團欒未了因緣事怕聽回船過斷橋

香羅衫子鬱金裳花外呶呶笑語忙貪看雀竿新作

西湖雜詩

四

戲薺花齊插鬢邊黃

五更燐火照荒墳魂魄無歸哭陣雲地下若逢牛伯遠豈宜重問岳家軍

遺鈿墮珥少人收寶閣閒堂一炬休鎖斷金籠秋蟋蟀西風一夜下縣州

閒閒十畝種桑麻槿木編籬整復斜汲得眞珠泉一勺小姑新點七家茶

雙鬢蓬鬆白髮催影堂回首石千堆鳥窠已落山中樹不見談經太守來

香車寶馬去無蹤一路山花躑躅紅微雨昨宵活新

綠水禽嘯上石屏風

雷峰倒影失雲根
雨細風斜欲斷魂
報道郎君騎馬過
綠楊陰裏問西村

坤甯殿外暮雲橫
脂粉塘中秋草生
底事鳳皇飛不到
青山虛負鳳皇名

萬重樓閣鎖烟霞
十丈峰巒擁翠華
洞裏白猿呼不應
天風吹雨落藤花

水光清淺影橫斜
來謁咸平處士家
童子開門放鶴去
滿山殘雪夢梅花

人間地下不相逢
來是無端去絕蹤
夜夜長橋短橋

西湖雜詩

五

月一雙紅照玉芙蓉

山北山南路不紆
隔林遙見藕花居
白蘋吹動一池雨
知是南屏金鯽魚

書鐙佛火兩淒涼
蕉影蟲聲暗畫廊
聞說斷橋橋下鼈
殺身猶畏賈平章

湘裙幅幅碧紗縫
雲鬢雙鬟花想容
一色旌旗三十里
水仙騎出小烏龍

東浦橋通曲港船
三山祠下拜三賢
白公蘇老林和靖
留爲袁樵趁酒錢

水煙山淥斂還無
收拾秋光入畫圖
隔岸兩三紅豆

小誰家吹動引光奴

野杏山桃滿院開
玉關夢斷費疑猜
市頭買得雙龍燭
不禱三郎禱萬回

宣牌十二鑄黃金
無復黃龍酒滿斟
抱得銀瓶井中死
寒泉恥照佞臣心

一杵鐘聲天地寬
朝吟呼吸水光寒
花家紅靄梅坡雨
吹上朱樓第幾欄

雷聲隱隱響車輪
鎖煞宮花盡日春
歌扇拋殘舞衣冷
游魂不返魏夫人

叢篁老柳枕寒流
賸水殘山感舊遊
萬點白荷花上

西湖雜詩

六

雨秋聲吹入望湖樓

山僧享我饌伊蒲
香積重開竹裏廚
芋火罷紅煙散綠
土花冷繡辟塵爐

拍岸魚龍水氣腥
虛堂新設鐵窗櫺
蒲衣道士今何在
羽扇千年落鳳翎

鯉魚吹動藕花潮
撲面風來酒未消
黃菽樓空白鶴去
更無人上玉鉤橋

十年汗馬苦風塵
半壁江山百戰身
大地竟無埋骨處
螺螄殼葬賈宜人

紅葉何年出御溝
纖眉雙鎖遠山愁
無端一曲梁州

調唱殺深宮菊部頭

竹韻茶烟悟後禪精藍新結屋三椽阿師戲潑瓶中
水十丈花開陸地蓮

水精簾卷月玲瓏金碧繁華舊夢中閒煞架船亭一
角年年辜負試鐙風

落花紅壓白沙隄春氣半湖雲滿溪乾鵲知來不知
往構巢猶傍畫樓棲

瓜皮艇子水中央楚楚衣裳澹澹妝朝過觀音朝嶽
帝鳩錢更進霍山香

流鶯睨曉燕呢喃嵐翠濃熏博士衫不憶江東封石

西湖雜詩

七

記蘚痕青蝕落星巖

花裏紅樓月下門玉杯梨汁半溫暾鏡潮紅斷臙脂
色誰返亭亭倩女魂

更無人處閉禪關一一煙巒聳佛鬟滿地松陰圍不
住月斜樓影十三間

酒庫羊坊不可尋招提雙掩石門深瑤琴彈斷蕤賓
鐵流水高山是我心

廿四番風次第催傾城士女蕩舟回再來不見中庸
子陶器千秋葬綠苔

宮袍熏冷御爐香無復金輿侍上皇零亂劉家娘子

畫印泥紅綻奉華堂

涇雲如雨水如油樓外閒花花外樓底事銷金銷不盡春來潑在柳梢頭

總宜亭外晚涼多鬢影衣香隱翠娥日暮刺船三塔去秋風吹出采菱歌

不見秦皇再繫舟愁煙恨雨冷成秋幾回欲問東巡事石未能言似點頭

繡幙珠簾有夢思故宮禾黍總堪悲卽今集慶無餘物空羨閭妃好面皮

六夢巖荒蔓草存清漣寺冷夕鐘昏堂前御愛松千

西湖雜詩

八

尺已斷南朝雨露恩

銜磚舊說金尤事疊石新營玉兔墳自有翰之經蘸筆滿池墨氣黑成雲

樹杪寒飛百尺泉磬池引水種青蓮靈山我亦思歸隱何處逢巢復遇天

夢裏分明猛虎蹲東南王氣已無存山靈亦墮刀兵劫石上微留斧鑿痕

遠山濃澹拂青螺五馬難留奈若何十里簫聲催別酒藕花香裏妓船多

寶嚴院裏雨如塵翰墨三生有夙因題卻維摩居士

像夢中好謝散花人

一瓶一鉢老生涯七寶莊嚴認梵家太傅不來陰滿地深紅落盡紫陽花

烏石峰高夕照初晴嵐搖水碧模糊狂風不敵龍鱗甲戰住蒼松十一株

古劒關前秋草肥黑雲裁作水田衣洞門深鎖自終古蝙蝠一雙相對飛

我來弔古立蒼茫斷石常埋高士坊爲有復之遺訓在子孫世世住錢唐

大地重開選佛場座中花雨雪吹香於今劫火銷銅

西湖雜詩

九

印三字難尋直指堂

老梅開遍舊園林明遠樓高春雪深幸有白頭宮女在新詞猶說水龍吟

草紋隨意長金星風逼黃魚氣吐腥夜夜婁留城上月一鉤還照映波亭

溪泉漂出上陽花隱隱離宮起暮鴉鳳輦不來羊徑合道旁空賸石排衙

桑柘陰濃布穀鳴紅雲朵朵馬前生趙家天子無遺土誰識五龍王姓名

往昔名園問玉津一春梅柳半爲薪明眸皓齒歸何

處那及林閒燒筍人

斷塔頽然一醉翁鐵鈴無語倚長空北昭慶對南昭
慶都在危牆亂碣中

故園松菊已全荒燕燕鶯鶯夢一場可惜風流張子
野不曾此地貯兜娘

鞦花紅繡牡丹春第一輕盈掌上身攜得湖山春社
酒九層臺下拜花神

黃葉亂搖風一林車輪隻影破雲深鶴田未買鶴飛
去碧海青天難再尋

赤龍捧燭夜光騰新賜纏頭十萬綾絃管未終烽火

西湖雜詩

十

入藕絲難問故宮燈

紫雲開合洞中天細雨泉通白乳泉地下暫停金鼓
響恐教驚起老龍眠

于墓南山岳北山兩家少保濟時艱奪門事小和戎
大秦鐵無勞鑄石姦

白芡紅菱采采遲柳洲花港任吾之土花已蝕鴛鴦
塚石闕空銜蜥蜴碑

古柳林邊折柳枝青芝塢口種青芝溪聲洶盡千年
事輸與白鷗明月知

鶴骨龍姿太古春當時曾見翠華巡至今傳作陳朝

檜不記陳朝種樹人

生來丙穴終無匹跳上龍門終不如昨夜桃花新漲
水一雙紅動玉泉魚

八騶重向墓門過六角高亭蔭翠娥脫脫不才才小
小將軍從此豔情多

田園雜著之一

揚清祠志

昭齋題眉

光緒辛巳秋
錢唐丁氏鐫

楊清祠在忠清里祀前明王項二公者也二公清節彪炳志乘毋庸贅言庚辛兩變祠就傾圯地爲居民侵佔丁君申與里中紳耆呈請邑侯姚公轉申大府鳩工興復于是廢者舉之闕者補之圯者修之不數月而祠成重簷覆宇煥然一新而後之君子有以景流風追餘韻用維世道於不敝其有裨於吾郡者豈淺鮮哉每歲春秋兩祀皆東城講舍主之余與鄒君在寅同爲院長隨諸鄉先生後奔走從事故祠事始末頗能言其大畧焉丁君弟午時從予遊欣逢是舉遂潛心典籍纂錄成書凡郡簿縣牒以及蟬編蠹簡

楊清祠志序

一

中有關祠事者罔不搜羅殆徧余見其摭擇精覈條理燦然心竊喜之因命錄副留覽庚辰秋生以疾卒而丁君適有杭郡掌故叢書之刻余遂慫恿付梓修志乘者或亦有取於斯矣嗟乎桂窟不芳蘭膏頓燼人生若夢天道難知用書數語於簡端以誌懷舊之感云爾光緒辛巳年秋七月錢塘張景雲序

揚清祠志

錢塘丁午輯

建置

嘉靖薛應旂浙江通志

褚僕射廟在褚家堂祀唐諫議大夫右僕射褚遂良
歲以春秋祭後本朝御史王琦郎中項麒尙書胡世
寧並著清節附祀之表其里爲忠清里

嘉靖沈朝宣仁和縣志

揚清祠在忠清里改凝真菴爲之蓋其里人王公僉
憲琦素持廉介後致仕家居雖貧甚人有餽者亦堅

揚清祠志

一

辭不受竟以餓死復有同里項公郎中麒亦以冰蘖
終身不受非義致仕後二十七年僅以饘粥餬口雖
至屢空不改顏樂嘉靖二十年知府陳公一貫因前
守陳公仕賢嘗建一祠以祀二公扁曰揚清庶不併
祀二公於褚僕射之旁奈規制隘陋不稱祀事爲是
學之師生白其事於督學孔公得請凝真菴爲之其
詳具見於陳公一貫所撰碑二十四年知府嚴公寬
同知邱公道明通判劉公希召推官劉公幾章同立
石焉

萬厯陳善杭州府志

正德十五年巡按浙江監察御史唐鳳儀建忠清里坊胡世寧初起徒中拜湖廣按察之命未上鳳儀重其欲為建坊世寧謝曰賴主上寬仁得免罪戾幸矣何以坊為唐有僕射褚遂良者里人也當時諫易后忠莫大焉我明四川按察僉事王琦兵部郎中項麒皆與同里清望重一時世寧所願為之執鞭者也若移樹坊之工為三公表世教民風所益良厚世寧雖沒齒無聞受惠多矣鳳儀感其誼遂為樹忠清里坊于褚家堂南巷口云善曰按忠清里坊之建胡公推賢唐公從善皆足為世儀表今過者徘徊其下仰止三君子而亦有懷二公咸所謂典刑不忘者也

明田汝成西湖遊覽志

忠清里本名昇平巷北為褚家堂正德十六年里人胡世寧為都御史時御史唐士儀按浙欲為世寧建坊於門閭世寧辭之曰僕計偕時已得坊費後遭宸

揚清祠志

二

濠之難被逮京師當道義助補前之缺家人先後妄費非有司不曾加惠也豈敢瞞昧再叨厚貺竊今僕居近褚堂以遂良故里得名近世同里有王公琦者歷官教職御史僉事皆有政績而清介絕俗晚年休歸楊腹以歿諸孫見為傭工項公麒者歷官司務員外郎中文學孝廉冠絕一時而病歸四十餘年閉戶以終一子貧贅依人蓋以俗尚通達而賤方介以致二公泯滅如是也此堂街口有平安坊蓋取在籍坊名為額今廢已久欲請於官復造一小石牌上刻三公名氏更題曰忠清里以夫人而後者亦與有榮焉